

D E
HISTORIA
LIBRI DVO.

IN QVORVM PRIMO MODVS
Vetlandi in Historijs dilucide aperitur.

*In secundo ad omnia Historiarum genera conscri-
benda praecepta compilantur.*

Auctore

T H O M A B O N I O.

Lucensi Ciue: Academico Romano: Academiae
Ciuium Venetorum Rectore: & Sacrae
Theologiae Doctore.

*Ad perillustrem, & admodum venerabilem Petrum
Puccinum, Patritium Lucensem, & Cathedra-
lis Ecclesiae Canonicum dignissimum.*


Superiorum permissu, Cum Priuilegijs.



BIBLIOTECA NAZ.
ROMA
VITTORIO EMANUELE.

V E N E T I I S, M. DC VII.

Apud Io. Baptistam Ciottum.





PERILLVSTRI.

ET ADMODVM

VENERABILI

PETRO PVCCINIO,

PATRITIO LVCENSI,

Et Cathedralis Ecclesiæ Canonico
dignissimo .

THOMAS BONIVS.

S. P. D.



V T Tuam in me beneuolen-
tiam apud Posteror, quam
tum mutua consuetudine,
tum mutuis officijs iampri-
dem mihi conciliaram; non
intestatam omnino relinquerem; neque col-
lectam gratiam ex animi tui ingenuitate,
atque amplitudine, licet procul à Patria,

A

1 2 pro-



profundere viderer ; neque enim te cario-
rem, neque magis familiarem, cui mea an-
teacta vita una cum laboribus, & ærum-
nis , quarum multitudine aduersis rebus
ferme succumbere conabar ; fuerit notior ;
quemquam in ea Ciuitate habui : propterea
volui , ut nostræ priscae consuetudinis , &
antiquæ amicitiae futuris temporibus ali-
qua saltem monumenta apparerent . Qua-
re inter cetera opera, quæ superioribus men-
sibus tenuitate ingenij mei composui ; Histo-
riæ Libros duos, quorum primum de modo
versandi in Historijs ; & alterum de Præ-
ceptis ad quodcunque Historiarum genus
conscribendum obseruabis ; curavi , ut
summa castigatione mandarentur typis ;
eosque nomini tuo amplissimo deferendos,
dedicandosque censui ; quamobrem, dum
tibi vacabit, licebit per otium hisce meis
perexiguïs lucubrationibus te ipsum oble-
ctare ; non quòd his indigeas , qui vir sa-
pientissimus es , & maxime versatus in
quouis studiorum genere ; Verum, quòd
dele-

delectet aliquando animum ea breui comprehensione relegere, quæ alias longa lectione sibi paruerit ; Id igitur boni, æquique consulas. Vale,

*Datum Venetys, Idibus Decembris,
M. DCVII.*



Quoniam sæpe contingit,
 ut homines grauissimas,
 maximasque res vel in-
 fulse, vel intempestiue,
 vel perturbate, vel igna-
 ue, & oscitanter aggrediantur; proin-
 deque nihil in eis proficiant; imo ope-
 ram, & oleum perdant; &, quod non
 pauci est faciendum in rebus humanis,
 nihil aliud sibi, nisi probrum, & igno-
 miniã apud alios suis impensis parant;
 quod quidem peccatum cum in rebus
 alijs, tum in disciplinis, quas summis la-
 boribus, & vigilijs vix tandem nobis
 comparamus; grauius existimandum
 est. Quare, ut aliqua in re Historiarum
 cultores iuarem; elaboravi, ut ad stu-
 dium huiusmodi laboriosum, atque
 perdifficile, quam facile fieri posset,
 quibusdam rationibus viam tum ma-
 gis explicatam, tum magis breuem ster-
 nerem;

nerem; & illis etiam, qui in huiusmodi
 genere componendo versari affecta-
 rent, præcepta quædam vere non sper-
 nenda, si optime animaduertantur; cla-
 re traderem. Quare quisquis fuerit hu-
 ius generis studiorum fautor, hanc o-
 pellam in sui vtilitatem euoluat, & sæ-
 pius tractet; expectabit præterea pau-
 cis abhinc diebus Libros itidem duos
 De Poetica Facultate. Valete.

8
T A B V L A
M A T E R I E R V M,
Quæ in hoc Opere continentur.



L I B E R P R I M V S.

D	<i>E Dignitate Historia. Cap. I</i>
	<i>De Historia necessitate, atque utilitate. Cap. II</i>
	<i>De Historia incunditate. C. III</i>
	<i>De Historia causis: efficiente: materia: forma: & sine. C. IV</i>
	<i>Quid discriminis sit inter Historiam, & reliquas disciplinas. Cap. V</i>
	<i>De vario Historiarum genere. Cap. VI</i>
	<i>Quid sit Historia. Cap. VII</i>
	<i>Quæ sint necessaria ad comparandam Historiam. Cap. VIII</i>
	<i>De modo versandi in Historijs. Cap. IX</i>
	<i>De Historiographis, deque argumentis, de quibus scripserunt. Cap. X.</i>

LIBER SECVNDVS. 2

MVnus scribendi Historias quàm per difficile sit. Cap. I

Quare de Principibus, deque Viris Illustribus, ac Mulieribus Clarissimis: De Imperijs, deque Rebus publicis, atque rebus Militaribus Historia humana præcipue instituatur. C. II

Historias scripturus quibus animi affectionibus, & artibus præditus esse debeat. Cap. III

De præceptis ad egregia facta transferenda in Historiam. Cap. IV

De Historiæ præceptis, quæ in Virorum Illustrum vitis describendis versatur. Cap. V

De Historiæ Vniuersalis præceptis. Cap. VI.



GLi Eccellentissimi Signori Capi dell'Illustriss. Consiglio di X. infra scritti, hauuta fede dalli Signori Riformatori del studio di Padoua per relatione delli doi à ciò deputati, cioè, del Reuerendo Padre inquisitore, e dal Circ. Secretario del Senato Zuanne Marauegia con giuramento che nel libro intitolato De Poetica facultate autore Thoma Bonio Lucensi Ciue, & parimente in quello de Historia del medesimo autore non si troua cosa contra le leggi, & sono degni di stampa, concedono licentia, che possono essere stampati in questa Città.

Data die 20. Nouembris 1607.

D. Zuanne Corner	} Capi dell'Iustriss. Consiglio di X.
D. Hieronimo Capello	
D. Piero Morosini.	

Illustrissimi Cons. X. Secretarius.

Leonardus Otthobonus.

1607. à 24. Nouembrio, Registrato nell'Officio
Cont. la Biaſtema à carte 182. tergo.

Gio. Battista Breatto Coad.

II
DE DIGNITATĒ
HISTORIAE,
LIBER PRIMVS.

Caput Primum.

HOMO, *Animal egregium, ratione præditum, admirandum ingenio, arte singulare, animi viribus fortissimum, & omni ex parte, si studiosè viuat, gloriosum; multis quidem compelli solet animi cupiditatibus, quippe qui ad varia studia, atque opera ex ingenio excitetur; at verò, si diligentius eius animi latebras irreperimus; videbimus profectò nulla maiori cupiditate ferri, quam ut semper inter mortales aliqua salic gloriola viuat. Non dici sanè potest, quàm ingenti immortalitatis desiderio flagret, atque in omne opus rapiatur; quisq. nostrum idem in nobismet ipsis & experimur, & sentimus; hinc grandia opera aggredi audemus; facinoragruia, atq; præclara omni conatu tentamus; facta fortia in Bellis prosequimur; gesta magnorū Ducum imitanda nobis proponimus; longissimas noctes vigiles transimus; frequentes lucubrationes in peruestiganda rerū veritate habemus; in laboribus summis libenter versamur, in laboriosis oblectatione quadam mirifica detinemur, & ne plura sequar, et iam Reges, et summos Principes summis & animi,*
& cor-

ad senectutem magnos edoces labores ad immortalitatem. Quid igitur fuerit dignitatis de Historia? Historia ipsa est, quæ omnes labores suo sinu seruat, singula facta in omne tempus protendit, omnia facinorosa, vel vitanda, vel sequenda ex omni antiquitate in hominū beneficium custodit; Res gestas per omnia secula Ducum, Regū, Principum, Heroum, Mulierūq. immortalitati donat; Monarchias Aegyptiorū, Persarum, Græcorum, Romanorū, & aliorum notat, demonstratq; Regimina Rerumpublicarum Atheniensium, Thebanorū, Carthaginensium, & aliorum consignatas litteris cōplectitur; & tandem Prouinciarum, Ciuitatum, Regnorū tūm leges, tūm mores, tūm facta, tūm consilia, tūm dicta, tūmq. alia accidētia, eorum rerum permutaciones signat, et aperit; nullam antiquitatem fugit Historia, omnia temporis momenta, omnia secula, omnes annos, omnia gesta Imperatorū, Regum, Ducum, Principum, Mulierum, & Priuatorum hominum ex arte, & veritate prosequendo fidelissimè præseruat. Mirifica est igitur Historiæ dignitas, quæ tanta iam enarrata immortalitate præmunit; sed iam reliqua prosequamur.

De necessitate, atque vtilitate Historiæ.

Cap. I I.



*Q*uæ necessaria esse solent vel ad viuendum, vel ad bene se habendum, vel ad præseruandum, conseruandum, tuendumq. vel ad perficiendū, vel tandem ad ornandum, collustrandūq. magno in prætio habentur, et haberi debent; negligi namq. nequaquā possunt, nisi à stultissimis, atque propria

pria salutis contemptoribus. At vero inter cetera, quæ magno præsidio esse solent generi humano tam in secunda, quam in aduersa fortuna: video sanè Historiam esse; quomodo. n. virtutis exempla, documenta fortitudinis, sapientiæ præcepta, prudentiæ vestigia, morum disciplinam, iustitiæ leges, prudentum respōsa, proborum hominum integritatem, optimarum mulierum castimoniam, & Principum magnanimorum iusta regimina melius ediscere possumus, quam ex antiqua Historiarum lectione ex vetustissima exēplorum memoria quam longissime repetita? Ex Historia discunt Populi, discunt Reges, discunt Principes qui cumque, discunt tandem priuati homines, et vtriusq. sexus, atque ordinis: Ex ea sua habent documēta Imperatores: sua deprōmunt magisteria optimi Duces: sua colligunt gubernacula Respublicæ: sua percipiunt munera parentes: sua deducunt monita filij: sua deprehendunt imperia viri: sua intelligunt officia Vxores: sua intuentur facta iuuenes: sua inspectant gesta Senes; & sua perlegunt singuli parata exēpla; si bonis artibus oblectaris, habes bonorū auctorum insignem multitudinē, euoluis Oratorum, Poetarum, Geometrarum, Arithmeticorum, Philosophorūq. vitas disertissimè commendatas litteris; si in re bellica te ipsum occupatū habes, clarissimè in Historia Bella grandia, diuturna, maritima, terrestria apud omnes nationes à præclarissimis Ducibus gesta intueris; si Reipublicæ gubernacula tenes, præsto tibi sunt iusta Principum Regimina, si vitam ducis familiarem in Vrbe Ciuium crebra exempla ad honestè, sancteq. viuendū, ex sententiā perleges; si, quæ sit rerum vicissitudo, & humanarum rerum perturbatio, & anceps fortuna

na

na, cognoscere cupis; nusquam melius, quam in Historia dignoscere potes; si frequentia vis habere in singulis rebus experimenta, nec satis vitæ ad id consequendū suppeditatur, vnde melius ea haurire vales, quā ex factis, gestisque Antiquorum, ac ex innumeris euentibus, qui altius repetuntur ex Historia? lege Diodorū observa Polybium, euolue Liuium, perlege Appianū, excole Corneliū tacitum, frequenta Valerium maximū, & expende, si qui sunt antiquiores, tum ex latinis, tumque ex Grecis; et colliges certè huius vitæ optimam disciplinam ex Historia, in qua, veluti in Thesauro amplissimo recōduntur, omnia parata, atque opportuna ad bene, honesteq. viuendum, ad effugiendum vitia, atque ad prosequendum virtutes. Videas igitur, quantæ necessitatis sit Historia, quanteq. vtilitatis sit Thesaurus. Necessaria igitur Historia est singulis hominum generibus, singulis bonarum artium cultoribus, & singulis bene sibi consulentibus in omne tempus. At verò vtilitates eius, & ingentes, & innumerae sunt, quæ ex iam dictis facile deduci possunt. Sint igitur hæc pauca satis de Historiæ necessitate, atque vtilitate.

De Historiæ iucunditate. Cap. III.



Væ homines prosequuntur studia, nisi ea aliqua fuerint adspersa iucunditate; in illis perlegendis, tractandis: est necesse, ut animus in obeundis laboribus hæreat, ut faciat, & maiore, tristitiaq. plenus ab illis abhorreat. Quid laudis igitur fuerit satis ad cōmendandas Historias, quarum facultas mirifica abūdat oblectationi? nullum sanè studium delectabilius, iucun-

cundiusq. haberi potest , quam Historiarum certa le-
ctatio ; nā quid iucunditatis animus noster persentit,
dum quosdā homines abiectæ sortis sapientiæ stu-
dio ad summa conscendisse imperia animaduertit? Cō-
trāue, dum magnos Principes, atque Reges Imperio
nimium turgidos, in superbiam, atque in apertissimā
Tyrannidem mutatos , iusto Dei iudicio de proprio
Throno deturbatos agnoscit? Qua delectatione mens
nostra perfunditur, dum inter legendum varia Bello-
rū genera percipit, ab hostibus paratas insidias, easq.
fortissimos Duces noua calliditate subterfugisse? Et
cuius fuerit certa de rebus desperatio, eiusdē fuerit
tandem felix victoria? qua animi iucunditate detine-
mur, dum gesta fortia, dum mirifica opera, dum præ-
clara facta, dum prudentum consilia, dū sapientum re-
sponsa, dum sententias graues, dū orationes moratas,
dum placationes iratorū hominum, dum mulieres vi-
riliter pugnātes, dum per duelliones cedentes, dū Bel-
lorum exitus, dum temporum vicissitudines, dum re-
rum permutationes, dū Regnorum translationes, dū
monarchiarū fines, dum Ciuitatum origines, dū ea-
rundem extinctioniones, dum omniū rerum mutationes,
nes , & tandem dum uaria instituta, uarios mores,
varias consuetudines , atq; varias leges in Historia
apud varias gentes fuisse, et esse obseruamus? hinc
animos lectorum Poetæ delectant; ab Historia enim
sita desumunt argumenta præcipua; Grammatici non
rarò vocum interpretationes asumentes ob Histo-
riæ iucunditatem in mora iucūda auditores detinēt;
Philosophi, qui in moribus uersantur, ex Historia
sua desumunt exempla, quibus homines iucundè affi-
ciuntur ad uirtutes prosequendas, vitiq; vitanda :

Orato-

Oratores mirifica quadam delectatione auditorum animos inter orandum afficiunt ; dum res gestas ex Historia petitas ad magis persuadendum accommodant : Et tandem rerum consultores , imò verò quicumque homines, vel de plebe inter loquendum, dum aliqua utantur Historia , sermonem ipsum per iucundum omnibus astantibus reddunt . Mirifica igitur esse oblectatio cernitur in perlegendis Historijs, à quibus artifices abhorrentes , quicumque illi fuerint , suum præstare munus cum iucunditate vix poterunt .

De Historiæ causis : efficiente , materia , forma : & fine .

Cap. IV.

A*RS quævis certas habet causas, à quibus pendeat, et quibus amotis nulla foret, paucis propterea explicare opus erit, quæ Historiæ sint causæ.*

Prima, igitur esse potest efficiens, à qua ortum, & originem suam trahit, cuius primus inuentor; ut notat Plinius, fuit antiquissimus Cadmus; estque proinde Historiæ causa efficiens, est homo ingeniosus, solers, multa memoria, veritatis tantum studio-sus, qui non ira, non odio, non assentatione, & non aliqua animi perturbatione; sed sincero animo procul ab omni ostentationis furores, ut gestæ sunt, ad vere scribendum accedit; eo consilio ad id operis adductus, ut prodesse possit generi humano, sapientum vocibus, & virtutum egregiarum exemplis.

B

Mate-

Materia est secunda caussa, & est res gesta, quam sibi proponit scribendam Historicus; veluti Bellum Thebanum, vel Troianum, vel Punicū, vel Siguntinum, vel Pyrrhi, vel Antiochi, vel Mithridatis, vel res Romanas, vel Imperatorum, vel Philosophorū, vel Mulierum vitas, vel Ducum facta fortia, et alia quamplurima, quæ ad Mūdi annales pertinere possunt; nec propterea omnia in Historia sunt protrahenda; sed ea tantum, quæ digna sint animadversione, ex quibus homines vel ad virtutes excitentur, vel à vitiis deterreantur.

Tertia caussa accedit ad materiam ipsa forma, quæ opus ipsum perficit, & optime constituit, & est veritas; siquidem frustra narratio suscipitur, foretque inutilis, si veritate fuerit destituta; non secus, ac si animali oculos effodias, monstrum certe inutile efficies; propterea, ut veritati inhereamus pro viribus, & verates, & nō assentatores videamur, opus erit multa observare; primum, ut incerta pro incertis, dubia pro dubijs, obscura pro obscuris, & vulgata pro vulgatis scribantur; secundum, ut magis pro pinquis, quam externis gentibus credatur, tertium, ut probabiliora in medium afferantur; quartum, ut causæ, & rationes factorum, consiliorum, mutationumque adiungantur; quintum, ut temporum ratio, atque locorū descriptio, vna cum personis habeatur; Sextum, ut superuacaneas rescindantur, ut Historia sit brevis, dilucida, compta, atque ornata, & Septimum, ut sententias grauiore pro loco tempore, rerum affectionibus, atque euentu inter scribendum Historicus misceat; ut lector Historiarum reddatur solers,

solers, prudens, liberque à rebus aduersis; & his notis, & afflictionibus Historia ipsa & verax, & iuncta reddetur.

Quarta tandem caussa finis adscribitur; eò namque consilio, atque gratia Historia est adiuncta, vt res humanas præcipuè, quæ facile dilabuntur, & pereunt, ad posteros cum vtilitate transirent; siquidem omnia in tenebris iacerent, nisi Historia lumen accederet; facta fortium, Ducum fortitudo, antiquorum omnium virtus, magnanimitas, magnificentia, animi celsitudo, liberalitas, temperantia, iustitia, prudentia, & alia innumera essent sub perpetuo innotæ, silentio; nisi Historia Elogium poneretur; optima ratione igitur factum est, vt ex vetustissima exemplorum antiquitate, & priscis sapientum vocibus, ex sapientissimis legum conditoribus, ex fortissimis Bel-lorum Ducibus, ex optimis Patriæ liberatoribus, & ex crudelissimis, immaniissimisque Tyrannis per Historiam vitæ, documenta parata haberemus, ut bene, beatèque uiuere ære alieno disceremus. Historia igitur caussa, & quæ, & quales esse debeant, satis nobis notæ ex iam dictis esse possunt.

Quid discriminis sit inter Historiam, & reli-quas disciplinas.

Cap. V.

S*I cognouerimus, quæ sint discrimina inter Hi-storiam, & reliquas ingenuas artes; innotescet facile nobis eius uis, atque proprietas. Id uerò con-*

B 2 sequi

sequi potuerimus, si animaduertamus Historiam in numero earum artium poni, quæ sermonem continentur; Grammatica namque Rhetorica, Poetica, & Historia in sermone uersantur; licet cum discrimine: Grammatica enim ad dirigendum rectam elocutionem, scriptionemque iuxta probatorum auctorum institutionem; Rhetorica ad uarie animos afficiendos, commouendosque ad suasionem; Poetica ad oblectandum, iuuandumque hominum animos; Historia uerò ad palam faciendum, quid ex humanis rebus fuerit gestum, factumue præcipue, suum sermonem dirigit. Hinc alterum oritur discrimen; quoniam Grammaticæ sermo est simplex; iuxta ueterum canones; Rhetoricæ est ornatus, conspicuus, splendescens, atque uehemens; Poeticæ quidam numerus harmonicus maximè decoratus, grauior, collustrationibus, translationibusque magis copiosus, atque uariis; at uerò Historiæ maximè est accommodatus ad popularem captum, atque intelligentiam, purus tamē, atque alienus ab omni barbarie. Hinc tertium habetur discrimen; Stylus enim Grammaticæ est purus; Rhetoricæ, Poeticæque uariis pro re subiecta, de qua contingat sermonem institui; Historiæ uerò familiaris; nisi in eam contingat graues personas de re graui loquentes introduci; eo enim tempore, ut sermo & personis, & rebus respondeat, cum sententiosus fuerit, grauis esse debet. Quartum hinc datur discrimen; quoniam Grammatica de ueterum tantum auctoritate in sermone laborat; Rhetorica de suasionem curat; Poetica animi oblectatione ad bonum est contenta; Historia uerò rerum ueritati aquiescit,

& ni-

Et nihil prater ea de suafione, & oblectatione perquirat. Quintum hinc tandem colligi licet discrimen; nam Grammatica sermonem suum accommodat ad omnes res, tam ueras, quam fictas; Rhetorica sua praecepta ad tractanda omnia rerum genera sermone ornato instituit; Poetica orationem suam ad ficta uerisimilia tamen uertit; Historia uero suum dicendi genus de praeteritis, ut praecipue gesta sunt, & uera, habet. Quare ex his omnibus percipi poterit, quibus rebus Historia à reliquis disciplinis secernatur.

De vario Historiarum genere.

Cap. VI.

IN Mundo ipso cum omnia à certis causis pendant; à quibus proficiantur, & fiant; alia si quidem sunt à natura uniuersali, alia a casu, uel à fortuna, ut appellant, quae contingentia dici possunt; & alia à uoluntate humana emanant, quorum etiā multa sunt genera; non mirum uideri debet, si Historia, quae rerum ordinem, statum, interitum, & finem oratione prosequatur, de singulis interdum sermonem instituat; hinc uaria Historiarum genera insurgunt; nam alia est uniuersalis, & alia particularis; alia de rebus humanis, alia de naturalibus; alia de Rerum publicarum uarijs regiminibus; alia de Philosophorum opinionibus; alia de fortium Ducis gestis; alia de sapientum dictis; alia de Pontificum, Imperatorum, Regum, Principum, Ducum, Philosophorum, Oratorum, Poetarum, Grammaticorum,

Mulierum, Sanctorum, Prophetarum, Martyrum, Confessorum, Virginum, Anacoritarum, Heremitarumque uitis; Alia de Prouinciis, Gentium, Nationum, Populorumque moribus, institutis, legibus, atque affectionibus; alia de particularibus Ciuitatibus, deque particularibus hominibus; alia de personis solis publicis; & alia de priuatis; alia de herbis alia de Plantis; alia de Animalibus; alia de Mundi partibus, alia de Mundo; alia de re bellica, & alia de alijs rebus. Vniuersalem Mundi Historiam Moyses est profecutus; idem Plinius confecit; Iginus de regione celesti sermonem habuit; Ptolomæus, & Strabo terrestrem Historiam suo tempore cognitam tractarunt; de mineralibus; ut, Albertus; de plantis, ut Dioscorides, et Theophrastus; de animalibus, ut, Aristoteles; de nationibus, ut, Ioseph de populo Hebræo; de Prouincijs uarij scripserunt; ut, Blodus de rebus Italicis; de Anglicis, ut Polydorus; de Gallicis, ut, Emylius; de Germanicis; ut Auentinus; de Ciuitatibus, ut, Bemus de Venetiis; de Pontificibus, ut, Platina; de Imperatoribus, ut, Suetonius, & Iulius Cardus; de Principibus, ut, Charon de Tyrannis Asiæ, atque Europæ; de uiris Illustribus, ut, Plutarchus: de rebus publicis, ut, Liuius de Republica Romana: de Magistratibus, ut, Fenestella: de Grammaticis, ut, Tranquillus: de Oratoribus, ut Dionysius; de Sophistis, ut Callistratus: de Poetis, ut, Crinitus: de Philosophis, ut, Laertius: de Sanctis, ut, Cartusianus; de priuatis, ut, Arianus, Andronicus, & Quintus Curtius Alexandri gesta: de rebus bellicis, ut, Appianus de Bello Punico, Asellius Sæpronius de

de Bello Numantino, & Aufidius de bello Germanico, & tandem de uaria Historia, ut, Clearcus: quare ex his colligi potest, quam sit uastum Historię mane: in quo, nisi quis conto, ut aiunt, nauigabit, naufragium faciet.

Quid sit Historia.

Cap. VII.

Cum multa iam de Historia dicta sint, quę facile eius perfectionem, atque uim explicare possunt; opportunum iam uidetur, ut accedamus ad explicandum, quid sit: Nec hoc in loco de singulis Historiarum speciebus singulas tradere definitiones uolumus: id enim procul ab instituto nostro esset, ut omittam facile esse unicuique definitionem, seu descriptionem cum adiunctione specificę differentię ac commodare. In uniuersum igitur dicere possumus Historiam esse ueram rerum gestarum narrationem litteris consignatam; ut bonorum exemplis studiosi inuarentur, & malorum pœnis scelerosi à uitis repellerentur: dum dicitur narratio, genus ostenditur; multa enim sunt narrationis genera, ut Oratoria, fabularis, Poetica, & huiusmodi: dum dicitur uera, aperitur eius discrimen à Poetica, quę sape de fictis rebus instituitur: dum ponitur litteris consignata, secernitur à narratione etiam uera, quę interdum à Tragicis, Comicisque habetur: dum asseritur rerum gestarum, indicatur propriè, & præcipuè Historiam institui de rebus humanis ad hominum animos inuadens; de reliquis uerò minus propriè: dum apponi-

tur, vt bonorum exemplis studiosi iuuarentur, & malorum pœnis scelerosi à uitijs repellerentur; eius finis, ad quem est ordinata, indicatur; non enim Historiæ proximus finis est humana gesta tantum immortalitati commendare; sed hoc est, veluti mediū quoddam, ad homines alliciendum ad uirtutes, & à uitiis scelerosos arcendum; quare facile in hac Historiæ descriptione quatuor caussarū genera colligi possunt; res gesta se habent, vt materia; ueræ, vt forma; narratio causam efficientem tacitè exprimit, à qua litteris consignatur; vt bonorum exemplis studiosi iuuarentur, &c. causa finalis præmonstratur, nec non & Historiæ utilitas, atque necessitas non obscure significatur; & hæc possunt esse satis de Historica definitione; multæ tamen possunt adiungi descriptiones, quæ maxime ad Historiæ præstantiam, utilitatemque aperiendam valent; vt Historia est uita magistra; quoniam ex eius lectione homines ad recte uiuendum instituuntur; vel Historia est lux ueritatis, atque fida custos: quoniam ex Historia placita, dicta, consilia, facta, gesta, bella, euentus felices, & infelices, proditioes, insidia, scelera, & quæque gesta fuerint, nobis ex ueritate humana patefunt, & in eadem conseruantur: vel Historia est exemplorum ditissimus Thesaurus, quoniam in Historia, ueluti in quodam Thesauro, antiquorum exempla, siue bona, siue mala coaceruantur: vel Historia est vox quædam antiquitatis ad omnem pertinens posteritatem, qua homines excitantur ad bona prosequenda, malaque effugienda; vel Historia est quædam uniuersitatis tabula, in qua mores cuiuscunque gentis, insti-

instituta, leges, animi affectiones, propensiones, ingenij vires, artes, facta, dicta, & excogitata, veluti compicta, intuemur: vel Historia est Theatrum totius vite humanae, in quo varia hominum ingenia, variae animi vires, variae cupiditates, libidinesque, euentus, casus, varia tempora, pacis, & belli, pietatis, & impietatis conspiciuntur: uel Historia est quaedam diuinae prouidentiae tuba, qua indicatur omnia diuino consilio geri, de omnibus curam habere, ut scelesti puniantur, Tyranni de medio faede tollantur, & iusti a miserijs subleuentur, qua moniti ad uirtutis studia inflammari, & a uitii deterreri est necesse: uel tandem dicas Historiam esse speculum propositum nobis ad intuendum ueterum prudentiam, sapientiamque, ad optime se gerendum in omni rei euentu, & in utraque fortuna; omnia enim in Historia contemplamur, inspicimus, atque cognoscimus, quae maxime conducant ad prudenter, sapienterque uiuendum. Patet igitur & Historiae definitio, & eiusdem explanatio, & quae sint eiusdem variae descriptiones.

*Quae sint necessaria ad comparandam
Historiam.*

Cap. VIII.

Contingit saepe, ut homines sine sibi insciè proposito frustrantur, & ut in multis id cognoscere licet, sic non obscure in disciplinis, quas perturbat, & ignorat aggrediuntur, deprehendere possumus: Quare, si quis in Historiae studio proficere ex
animi

animi sententia uoluerit, opus erit, antequam id molitur, sciat optimè, quæ sibi fuerint necessaria ad magnos in Historia habendos progressus. Primum igitur necessarium erit, ut in quo Idiomate Historia litteris fuerit mandata, probè calleat: Quamobrè, si italicè italicam teneat, si græcè græcam intelligat, si latinè, latinam percipiat, & si hebraicè hebraicam omnino teneat; sicque de alijs fiat iudicium idem: Secundum, ut, post Epitomen Historiæ uniuersalem non omni in genere Historiæ uersetur; sed illud tantum, quod foret sibi utile ad finem sibi propositum, assiduè euoluat, & tantum eos auctores, qui in ea magis ad ueritatem relictis animi perturbationibus accedant: sæpe namque cuenit, ut rerum diuersarum multitudo, & librorum ingens copia addiscè-tium ingenia perturbet, ac perdat: Tertium, ut cultor Historiarum optima memoria floreat, ne quod diuturna lectione, immodicisque nugilijs sibi parauerit, temporis momento deperdat, atque cæcæ obliuioni tradat: quare id facile consequètur, si ordinatim uolumina legat, si loca, si tempora, si nomina propria, si facta insigniora, si varios euentus, si causas maiorum, si optima consilia, si prouidentiam, si pericula, si initium rei, si media, si progressum, sique finem rerum notabit: sic enim agendo memoria inuabitur, & cōtinget in Historia illi mirificè proficere: Quartum fuerit necessarium, & maxime utile, ut non solum Historiarum suarum lectionem frequentet, uoluminaque vertat, & inuertat: verum etiam sermonem de rebus lectis sæpe instituat, uel secum, uel cū amicis, uel, cum occasio sese obtulerit, opportune repetat,

petat, exempla afferat, sapientū vitam aperiat, prudentum consilia declaret, providentiam necessariam in futuris malis adhibendam præmonstret, & ita exercendo sese Historiæ studium sibi, parentibus, amicis, Patriæ, et religioni perutile reddet. Quintū, tandem necessarium erit, ut, qui Historias profiteri voluerit, Cosmographiam calleat, ut probe noscat locorum situs, intervalla Prouinciarum, climata singula, affectiones gentium, Ciuitates insigniores, monarcharum sedes, mundi partes, terrarum plagas, varia Regna, famosiores montes, flumina, quæ alluunt terram, maria, ad Mundi plagas, & alia multa, quibus ignoratis, vix cum aliquo Historiæ progressu in huiusmodi studio quis uersabitur, & hæc pauca fuerint satis ad innuendum, quæ necessaria Historiæ cultoribus sint.

De modo versandi in Historijs.

Cap. I X.

S*apienter sane dictum est, quicquid sit peragendum, non quoquo modo agendum, sed prudenter, ut facti te non pœniteat, proinde eius laudem ex sapientum iudicio consequaris; quid enim iuuat magna moliri, mouereque, si male incepta cogaris impudenter intermittere? Quid prodest multa ignare aggredi, perturbateque prosequi, si infelicitè periculum tibi met struis? ego verò sic opinor magna non bene tractari, nisi consulto suscipiantur; sapienter destinantur, optimè instituuntur, prudenter dirigantur,*

tur, & constanter perficiantur, vt tandem feliciter omnibus numeris absoluantur. Qui certe disciplinas aggreditur discendas, & in sui commodum parandas, profectò opus magnum aggreditur, nec ignare tractandum, sed summa animi solertia, atque diligentia euoluendum: quare iure optimo factum est, vt disciplinae quaeque non solum inter se vel priores, vel posteriores locarentur, sed etiam certum in se ipsis haberent ordinem, quem, cum seruarent studentes, fore maximo usui eorum ne dubitandum quidẽ est. Quod si necessarium hoc in singulis doctrinis est existimandum, certe in Historia studio, cuius lectionem, veluti vastissimum mare esse opinamur, vere iudicandum est: quare, si intempestiue, ignare, oscitanter, nullo adhibito ordine, nullisque praepositis sapientum monitis, eius studium laboriosum enoluere tentabimus, opus exosũ ex iucundo nobis reddemus, labores summos inutiliter suscipiemus, frustra in vigiliis erimus assidui, omnia ex memoria excident, ex ueritatis luce tenebras nobis conciliabimus, & ex antiquitatis thesauro in summa egestate erimus. Quamobrem, vt hac incommoda euitemus, quaedam apponemus praecepta, quae Historiarum studiosos, veluti manu ducent ad liberandum se ab erroribus, & futuris detrimentis, vt plurimum possint in Historijs proficere magna cum ingenii laude.

Primum igitur, vt utiliter in Historijs uersemur, prius vniuersalem aliquam Historiarum Epitomen attente legere opus erit, vt vno ferme intuitu uniuersalem Mundi Historiam in unum compilatam mentis acie comprehendere possimus: patet enim in
 singu-

singulis artibus in principio earum compendiola artis, & summaria ante oculos addiscentium proponi, ut breui quodam Epilogo uniuersam artem conspiciant, ut facilius, quæ futura sunt laboriosa, intelligantur; pari ratione videtur esse agendum in Historia, ut paratum habeamus nobis aliquod Chronicon complectens temporum, Regnorum, Monarchiarum, Imperiorum, & rerum omnium humanarum gestarum seriem, ex quo connectamus simul omnia Imperia, omnes rerum mutationes, omnia bella, omnia præclara gesta, factaque, omnia tempora, omnia loca, & omnia, quæ ingenium humanum ad antiquitatis institutionem iuuare possint; in quo quidem compendio Historiarum euoluendo maxime, & temporum seriem, quæ Chronologia dici potest, & locorum singulorum dispositionem, atque interualla, quæ ad Topographiam referri possunt: notare opus erit: ad quod facilius consequendum, & Ptolomæus, & Pöponius Mela, & alij ex Cosmographia poterunt esse nobis magno adiumento, ubi enim quis legendo tempora, loca, sapienter dicta, prudenter deliberata, fortiter gesta, magnanime tētata, animose finita in qua libet ætate, in re profana, in Ecclesiasticaque breui saltem comprehensione notauerit: magnam certe utilitatem initio Historiarum sibi parabit.

Post uniuersalem, verò mundi Historiam utile erit legere Historicos prius antiquiores, postea vero eos, qui usque ad nostræ ætatis tempora scripserunt: prius igitur videtur euoluendus Moyses: nullus enim est eo antiquior, & qui magis ad rerum veritatem accesserit: Historia enim ea diuinitus est scripta: sequentur

quentur libri Iosue, Iudicum, quatuor Regum: hinc Herodotus: is enim Historiam suam est exorsus, ubi Prophetarum elocutio defecit: ab eo perlegendus erit Thucydides, hinc Xenophon, Diodorus Siculus, Livius, Suetonius, Appianus, Tacitus, Dion, Herodianus, Trebellius, Marcellinus, Procopius, Agathias, Paulus Diaconus, Eraclius, Zonaras, Nicetas, Gregoras, Tornandes, Blondus, Sabellius, Ozorius, Hortensius, Paulus Iovius, Sigonius Guicciardinus, & alii multi, si placebit, ex quibus cuncta, quæ in vniuersum acciderunt, suisque temporibus, facile erit notare.

Tertio illud certum haberi debet inter Historias, quæ nobis in agendis causis, pertractandisque negotiis maxime vilitati esse possunt, Principem obtinere locum Romanorum Historiam: siquidem hæc una & imperii diuturnitate, & fortune uarietate, & rebus gestis domi, forisque, & uirtutum amplitudine, & Bellorum multitudine, & nationum subiectione, & Ducum fortitudine, & memorabilium rerum copia ceteras longe uincit: quamobrem satis nobis amplum argumentum in quacunque re suppeditare poterit.

Quarto: In quacunque Historia verseris, notatu digna diligenter memoria sunt commendanda: Quare Ducum fortitudo, Principum magnanimitas, Imperatorum animi amplitudo, militum labor, industriaque, hostium uires, insidia paratæ, pericula, artium calliditas, animorum audacia, præliantium impetus, bellantium patientia, constantiaque, præliorum conflictio, concertantium cades, exercituum robur,

bur, instrumentorum apparatus, annonæ comparatio, frugalitasque copiarum ordo, publicè certaminis dispositio, victoriarum celebritas, triumphorum pompa, Captiuorum numerus, opum collectio, pecuniarum elargitio, munerum munificentia, victoriam clementia, subactorum demissio, memorabilium fama, artium custodia, præsidiorum institutio, rerum mutationes, legum constitutio, morum diuersitas, animi affectionum vis, ingeniorum mutabilitas, temporis incertitudo, sapientum dicta, consultorum sanctiones, prudentum consilia, factorum causæ, populorum tumultus, nationum uarium ingenium, rerum gestarum series, locorum, aquarum, fluminum, Marium, montium, Vallium, agrorum, Oppidorū, Pagorum, Insularum, Portuum, ædificiorum, castrorum, Ciuitatum, temporum, phanorum, machinarum, instrumentorum, & personarum descriptiones, virtutum exempla, artium vires, disciplinarum facultas, doctrinarumque potestatis diligenter est obseruanda, notanda, & memorię summa cum diligentia retinenda: studiosus enim animus in aliquo certo rerum studio occupatus, semper eò contendit vires suas, ut, quicquid sibi foret vtile, nihil relinquat intentatū: quamobrem summa mentis acie Historias quis percurrrens nihil intermittet, quod animaduersione sit dignum: vt suo quoque tempore ex Historiarum thesauro egregia dicta, gesta, factaque depromat.

Quinto notare opus erit summa cum diligentia, quæ sint animi vires, ingeniaque apud singulas nationes: certum enim est ex diuersa corporis habitudine, uarioque eiusdem temperamēto apud nationes

uaria

*uaria etiam exoriri ingenia, uarias animi propensio-
 nes, uarias affectiones, uarios mores, uaria ad faci-
 nora irritamenta; ut enim gentes, populique locorū
 interuallo, mōtium cacuminibus, uallium angustis,
 agrorum finibus, & climatum diuersitate separan-
 tur: Sic uaria aeris temperie corpora plurimum in-
 ter se distant, hincque uarii mores: Quare diligen-
 ter sunt obseruandi, notandique: & diligenter inspi-
 ciendum, in qua re quæuis natio præcellat: non enim
 omnia sunt æqua in omnibus: sed altera in una re ex-
 cellentior, in alia uerò est inferior: obseruatur id in
 antiquitate: Ballearum enim floruerunt fundæ, Scy-
 thæ sagittis, Parthi equitatu, Romani uerò pedita-
 tu fuerunt celebres: at uerò nostris temporibus Ita-
 li, Galli, & Hispani in tumultuariis præliis palmā
 ferunt: Germani, & Angli in stataria pugna; Galli
 commendantur impetu, Germani audacia, Angli ala-
 critate, Hispani summa astutia, cunctationeque, Ita-
 li generositate una cum prudentia, & sic aliis, qui-
 bus nationes, gentes, Populi quique conspicui sunt,
 & commendari solent: maxime enim id cōducit ad
 Rerum publicarum gubernacula cum dignitate reti-
 nenda, id enim semper legum conditores spectarunt,
 ut pro ingeniorum, animique affectionum diuersita-
 te diuersas conderent leges: nec non sapienter id ob-
 seruarunt magnanimi Duces in subiciendis barbaris
 nationibus: cognita enim, atque perspecta morū qua-
 litate uarie suas instruxerunt copias, & in eos Bar-
 baros bellantes facile in suam redegerunt potesta-
 tem: diligenter itaque hæc omnia sunt obseruanda.*

Sexto, ut Historiæ studiosus solerter animaduertat,

eat, quæ sint inter se similia, quæ gentes inter se conueniant, qui Duces fuerint similes, quæ regimina fuerint sibi consentanea, & quæ Respublicæ, quiq; homines fuerint eisdem moribus, & in quibus discrepauerint, & fuerint diuersi, id Plutarchus in viro-
rum illustrium vitis præstitit; sic enim agendo Hist-
oriæ studiosus in quouis argumento versetur, sit co-
piosus, est necesse; nam multa habebit de eadem re si-
milia, multa exempla, multa conuenientia, multa
contraria, & multa diuersa, ex quibus oratio ipsa
redditur copiosa, grata, atque delectabilis.

Septimo perbelle notabit omnia, quæ in aliquam
deueniunt Historiam ad quatuor capita facile reuo-
cari posse, vel ad res naturales, vel ad res politicas,
vel ad res bellicas, vel ad uirtutes, adque vitia: ad
naturalia reuocantur Cælum, Elementa, Ignis, aeris
temperies, aquarum moles, flumina, aquæ ductus, ca-
nales, maria, loca, climata, montes, ualles, herbulae,
fructices, arbores, animalia uolantia, aquatilia, ter-
restria, reptantia, quadrupeda, & huiusmodi: ad res
politicas referuntur mores, instituta, leges, Ciuitatū
regimina, artes, Gymnastica, temporum observatio,
& huiusmodi: Ad res bellicas rixarum origo, Popu-
lorum hostilitas, odia naturalia, aduentitia, litium
causæ, uis, tyrannis, alieni occupatio, morum feri-
tas, in parentes impietas, in Diuos irreligio, pacis de-
siderium, certamina, conflictus, insidiæ, Strages, le-
gationes, induciæ, noua pacta, & huiusmodi; Ad uir-
tutes, & vitia reuocantur optima institutio, studio-
rum cultus, disciplinarum exercitatio, fortitudo, iẽ-
perantia, magnanimitas, munificentia, animi celsi-
tudo,

zudo, liberalitas, clementia, urbanitas, ueritas, affabilitas, fidelitas, iustitia, legum observatio, religio, oblationes, sacrificia, victima, preces, & alia multa; contraria his, impietas, irreligio, inurbanitas, infidelitas, pertinacia, feritas, inclementia, immanitas, animi elatio, auaritia, impudicitia, intemperantia, Socordia, negligentia, segnitie, impatientia, iniustitia, legum contemptio, maiorum despectio, legū obliuio, inobedientia, & alia id generis monstra, quibus animus præcipuè deformatur; quamobrem inter legendum notabit Historiarum cupidus, quid ad res naturales, quid ad politicas, quid ad virtutes, quidque ad vitia referri possit, ut loco, & tempore illa in sui commodum haurire possit, & auditoribus, quid in animo habuerit, facile persuadere valeat.

Octauo, certo sciat Historiam quamcunque maxime solere esse refertam rebus bellicis; ut quæ sint origo Regnorum, Imperiorum, Rerum publicarum, Ciuitatum, & Monarchiæ mutatio; in quibus rebus uaria, & utilia & ad uitæ, & ad Populi Regimina misceri solent: inspectabit Ducum egregias consultationes, populorum tumultuationes, gentium timores, pericula magna imminencia, eorundem ex consilio paratam fugam, legationes utrinque missas, egregia consilia, sapienter responsa, acute inuenta, orationes Ducum, cohortationesque miro artificio contextas ad milites, acerrimas dimicationes, incertum conflictionis exitum, insidias utrinque callide excogitatas, subitana remedia, ancipitem fortunâ, victorias sæpe ex casu ad infirmiores, & alia multa notabit, quæ ad fortiter gesta, & ad reliquas animi virtu-

virtutes, corporisque labores ad humanum ingenium instituendum spectare possunt.

Nono in rebus bellicis illud præterea animaduertat, est opus: nullam fuisse nationem, atque Prouinciam, quæ omnino libera fuerit ab huiusmodi bellica vi: imo verò aliquādo! atrox, mirādūq. sustinuerit bellum, vel animose propulsauerit, vel gloriæ se confecerit, vel prudenter susceperit; bellum imprudenter tentatum fuit Xerxis in Græciam; nimium audacter conflatum bellum Alexandri in Dariū: nullum maius, nec difficilius susceptū à Romanis, quam bellum Punicum: in Annalibus Anglorum nullum illustrius Gallico animaduertitur, in Historijs Francorum nullo celebrius Saracenico, in Germanorum Chronicis nullum præclarius, quam susceptum cum Romanis, & Italis: in Hispanorum commentarijs nullum fortius, & præclarius gestum, quam contra nūmerosos, Barbarosque Africæ Reges: sic de multis alijs dici potest, in quibus, dum Historiæ stodiesus versabitur, atrociora, admirabiliora una cū causis, progressibus, & certis euentis obseruabit, vt rerum militarium disciplina maxime fiat in rebus gerendis cautiore. Decimo Historiographorum prudenter habeat delectū, et maxime eos voluat, qui præcipue suo possint inservire instituto: & in illis excolendis præcipue elaborabit, qui de Patria, de propinquioreb; Prouincijs scripserunt: magnæ. n. solet videri stultitiæ signū aliena longa lectione, perquirere propria verò, quæ sæpe sunt nota infimis de plebe, ignorare: verum, vt de Historiographis pauca dicamus, illorumque præstantiam indicemus: pro certo habeat

Herodotum suauissimum haberi, Thucydidem ueruosum, Theopompū elegantem, Xenophontē dulcissimum, Plutarchum doctissimum, Sallustium sententiosum, Liuium mira suauitate, Cēsare mīre tersum, atque nitidum, Suetonium, & Tacitum argutos, sententijs grauib; refertos, Seuerosque, Guicciardinū, & Iouium elegantes, & in oratione concinnatos, graues, & sapientes; quare eorum habebit delectum, qui magis fuerint ex animi sui sententia, & eos magis sciat commendari, qui in Propria Prouincia scripserunt, qui non odio, non similitate, non animi perturbationibus, non munerum largitionibus, non pecuniarum vi, non dolo, non assentatione, & non quauis alia animi labe; sed veritatis studio, bonorum gratia, & posterorum utilitate suam sunt exorsi Historiam.

Vndecimo Historiarum lector suos habeat commentariolos, ut, quæ inter legendum occurrant præstantiora, præclariora, grauiora, admirabiliora, insignes rerum euentus, virtutis egregia facinora, sapientum dicta, Ducum gesta fortia, militū grauias facta, Populorum seditiones cum causis, concertantium mira fortitudo, & alia, quæ præferunt heroicam virtutem, singularem sapientiam, & egregiam prudentiam, ut suo commodo notare, & exarare possit, notando locum, tempus, personas, causas, numerum, & huiusmodi, quæ, nisi commentariorum beneficio reparentur, certe ex rerum multitudine, coplaque facile è memoria effluxerint: propterea que non parcendum calamo.

Duodecimo tandem, ut habeat socios quosdam, amicos,

amicos, atque familiares, qui pari studio capiantur, oblectenturque : quibus, cum lecta, atque observata aperire possit, repetendo breui, quæ diffusius lectitarit, potiora desumat, supernacanea rescindat, & sic exerceat sese, ut paratior reddatur, ubi occasio sese obtulerit afferendi exempla, dicta, factaque ex historiis. Quod si sociis caruerit, ipse secum, ut solus commentetur, rationem ducat de singulis, & veluti mansum cibum, omnia ruminet .

Quare, dum hæc omnia diligenter observauerit, universalem historiam prius lectitarit, Chronicon omnium temporum evoluerit, particulares postea historiographos perlegerit, delectum eorum habens, & quæ ad res naturales, ad res politicas, ad res bellicas, & ad virtutes, & ad vitia referuntur, ad sua loca renocauerit: gentium mores, instituta, leges, personarum affectiones, locorum, temporum, mariumque descriptiones, animorum vires, ingeniorum artes, potiora dicta, facta, gesta, commendata, admirabilia, atrociora, causarum euentus, rerum progressum, regnorum mutationes, & alia huiusmodi notauerit, cõpilauerit, sepe repetiuerit: certe historiam in sui cõmodum uel maximum uertet .

De Historiographis, deque argumentis, de quibus scripserunt.

Cap. X.

Non erit inutile cognoscere auctores, qui de varijs Historiarum generibus scripserunt, ex quibus,

bus, veluti ex promptuario rerum gestarum, omnia ad antiquitatem spectantia de promere licebit; igno-
ratis namque frequenter viris, qui in aliqua arte cū
maxima ingenij laude, atque doctrina sunt versati,
maximum accidit incōmodum studiosis iuuenibus;
quare, vt nihil relinquatur eorum, quę prodita sunt
monumentis ab Historiographis, eorum nomina ap-
ponemus vna cum materiebus, de quibus suas insti-
tuerunt Historias; incipiendo ab ijs, qui vniuersales
Historias contexerunt.

Moses Mundi Historiam diuinitus scripsit.

Iosephus Iudæus Historiam antiquitatis Iudæo-
rum ab exordio Mundi vsque ad decimum tertium
annum Domitiani est prosecutus.

Nicolaus Damascenus Historiam vniuersalem,
& vitam Augusti litteris commendauit.

Prudentius Historiam Mundi item conscripsit.

Sozomenus Præsbyter Pistoriensis Historiam
vniuersalem pariter compilauit.

Dexter Barcinonensis Historiam in vniuersum e-
tiam contexuit.

Paulus Orosius Historiam ab initio Mundi vsque
ad Honorij Principis tempora litteris commēdauit.

Zonaras Historiam vniuersalem ab exordio Mun-
di vsque ad Michaelis Imperatoris Constantinopoli-
tani tempora est complexus.

Sabellicus Historiā vniuersalem ab exordio Mū-
di vsque ad sua tempora reliquit.

Vincentius ordinis Prædicatorum Historiam vni-
uersalem ab exordio Mundi vsque ad Hierosolymi-
tanam expeditionē Ludouici, Regis Gallorū edidit.

Isido-

Isidorus Historiam à Ciro Persarum Rege instituit.

*Blondus de rebus Italicis : Polidorus de Angli-
cis: Emylius de Gallicis: & Auentinus, de Germani-
cis suam est exorsus Historiam.*

*Iustus Tiberiensis Historiam rerum Iudaicarum:
Charon Lapsacenus Aethiopica, Cretenſia, & Græ-
canica: Appollonius Afrodiseus res Carias: Pale-
pharus Abydenus Cyprica, Africa, & Arabica:
Antipater res Illyricas: Critores Persicas, Sicu-
las, & Macedonicas: Ephippius Cumæus, Isocratis
auditor, Historiam ab excidio Troiæ vsque ad sua tē-
pora: Titus Liuius res Romanas.*

*Dionysius Mileſius res Persicas, & quæ post
Darium sunt secuta: Xantus Historiam Lydorum:
Zeno Rhodius Historiam Rhodiorum: Theocritus
Chius Historiam Lybicam: Polemon de origine Ci-
uitatū Phocidis, Ponti, Lacedemoniæ Geographi:
Pausanias Cæsariensis vniuersæ Græciæ Geographiā
cum eius Historijs: Polybius Scipionis Africani præ-
ceptor Romanam Historiam: Paulus Foroiulienſis
Historiam Longobardorum: Priscus Historiam Con-
stantinopolitanam, & Attilæ: Festus Ruphus epitom-
en rerum Romanarum: Idem argumentum Eutro-
pius Afer, Augustini discipulus; Eusebius epitomen
temporum, & de præparatione Euangelica: Florus
Historiam Romanam, & epitomen in Libros Liuij,
scripsit.*

*Dares Phrygius bellum Troianum: Timeus Si-
culus res Græcas, & bellum Thebanum: Thucydi-
des Atheniensis bellum Peloponentiacum: Asellius
Sempronius bellum Numantinum; Appianus Ale-*

alexandrinus bellum Punicum, bellum contra Antiochum, bellum contra Parthos, bellum contra Mithridatem, bellum Illyricum, bellum Annibalis in Romanos, & bellum Hispaniense: Crispus Sallustius bellum Catilinarium, & Iugurthinum, & Romanas historias: Caius Oppius bellum Hispaniense.

Clearcus de varia historia: Iulius Cordus de vitis Imperatorum: Esichius Herodianus Alexandrinus Imperatorum historiā: Esichius Milesius Historiam Romanorum Imperatorum Tyrannorum, et diversorum gentium res gestas usque ad sua tempora; Dionysius Alicarnassensis Romanam historiam; Cornelius Tacitus, Marius Maximus, Eutropius, Orosius, Dion, Appianus, & alij Imperatorum vitas pariter scripserunt; Amianus Marcellinus vitam quorundam Imperatorum tantum reliquit; Elius Lampridius de gestis Imperatorum ad Constantinum magnum; Anastasius, Paulus Diaconus, Sigisbertus Monachus, Guido Rauennas, Vgo Florianus, Sicardus Episcopus Cremonensis, Gotfredus Viterbiensis, Martinus Carfulanus, Sozomenus, Geruasius Ricobaldus, Landulfus Canonicus Carinotensis, Ptolomæus Lucensis, Antonius Episcopus Florentinus, Platina, & alij historiam Pontificum Romanorum commendarunt literis; Socrates Constantinopolitanus Historiam Ecclesiasticam à tempore Apostolorum usque ad Chrysostomum; Ireneus Episcopus Lugdunensis, eandem Historiam est profecutus; Xaxo Grammaticus Historiam Regum Danorum; Robertus Historiam Regum Gallorum: Boccacius de casibus virorum illustrium: Solinus de mirabilibus Mundi: Blon-

di : Blondus Foroiuliensis de Roma triumphante:
Andronicus, Arianus, Calistenes, Clitarcus Dion,
& Quintus Curtius de Alexandri gestis egerunt:
Diogenes Laertius de Philosophorum vita, & mori-
bus: Valerius Maximus dicta, & facta memorabi-
lia, & alii quam plurimi annumerantur historiogra-
phi, ut Herodotus, Xenophon, Trebellius, Procopius,
Agathias, Euagrius, Nicetas, Gregoras, Iornandes,
Hortensius, Paulus Iovius, Guicciardinus, Sigonius,
Baronius, & alij multi, quorum nomina sigillatim
persequi nimium longum esset. Et hæc satis de histo-
riographorum nominibus.

Finis libri Primi.

cta, quę non raro plebis ambagibus est interpolata, quę sepe numero auctorum diuersitate innumeris est circumuoluta dubiis, quę temporum caligine sepius est à nobis remota, quę tandem animi concitationibus, ignorationiſque tenebris frequenter est nobis occulta? est ne perfacile in scribendo pendere à vetustissima temporū serie, in singulis rebus verba equare factis, abstinere se, cum sis homo, ab omni animi perturbatione, ab odio, à personarum amore, à nimia Patrię pietate, & ab omnibus alijs, quę à veritatis studio nos abducere possunt: vitia, vt equū est, damnare, vituperareque in quoduis hominum genus cadentia? Est ne parum in magnis rebus, arduisque magna pericula vitare, potērum minas non perhorrescere, obtreſſatorum verba aculeata non audire, populorum affectationē negligere, nobilium ambitum non ſcſſari, & magnorum Principum potentiam veritatis studio non pertimescere? Est ne parum irreprehensibilem se reddere, vt vitia damnet, vituperetque, cum infinita pene sit inuidorum, calumniatorumque caterua? Est ne perfacile centum auribus audire, linguas mille, & ad veritatem solum opinari, scribereque? Est ne vulgatum, popularique per longinqua terrarum spacia auditores paratos habere, qui multa audiant, videant, inspeſſēt, notent, signent, & transmittant ad vnguē, quid dictum, quid dubitatum, quid factum, quidque gestum sit? Est ne satis accomodatum in animos Regū, Principum, Imperatorum, Pontificumque nullo obstrepēte irrepere, vt animi propensiones rimeris, cogitata perscruteris, ſcedera inita cum alijs Principibus dignoscas,

gnoscas, quo consilio, qua mente, & qua caussa? Difficile, imo perdifficile, quin potius difficillimum est scribendi Historias munus, quod tot, tantisque est expositum difficultatibus, quod magis inferius patebit.

Quare de Principibus, deque uiris illustribus, ac mulieribus clarissimis, de Imperijs, deque Rebus publicis, atque Rebus militaribus Historia humana præcipue instituatur.

Cap.

I I.

Posset quæri ratio, cur factum sit, ut non de omnibus rebus impermixte Historia scribatur; sed præcipue de Principibus, de uiris conspicuis, de mulieribus clarissimis, de summis Imperijs, de bellis, & huiusmodi grauioribus suscipiatur. Verum non difficile huius rei argumentum, neque ratio occulta esse poterit, si ipsius Historiæ finem inspectauerimus; nam, si eò Historia spectat, ut bonorum exemplis, malorumque pœnis, atque optimis humanæ vitæ regiminibus homines recte ad virtutes instituantur, & à vitijs arceantur, sicque ad humanam felicitatem, veluti Historia manu ducantur, consequens omnino est, ut, quæ exempla ex personarum qualitate fuerint clariora, opportuniora etiam censebuntur ad commendanda litteris per Historiam; at verò, quæ exēpla à Principibus claris desumuntur, apertissime comperimus ubique locorum plus ponderis habere, quam, quæ à priuatis personis deducuntur

ducuntur, siquidem, dum Populi Principum audiū-
præclara consilia, optimas humana vitæ regulas, sa-
pientiæ signa, prudentiæ documenta, beneficentiæ no-
tas, clementiæ decus, fortitudinis specimen, labo-
rum tolerantiam, calamitatum perpeſſionem, pericu-
lorum fugam, & omnium virtutum clarissimum
ornamentum intuentur, summa animi aduersione ad-
mirantur, & ad eorum imitationem optime se gere-
re in vtraque fortuna discunt. Contra etiam, si in Hi-
ſtoriam Tyranni, Principesque deducantur, qui fla-
gitiiis, intemperantiæque vitiis, ac auaritiæ notis in-
fames fuere, eorum exitus etiam infelices, & meri-
tę pænę suorum scelerum enarrantur, & publice
calamitates inferuntur, quibus declaratur diuino iu-
dicio scelerofos homines puniri, & pænis multari;
Quibus rebus optime expensis, consideratisque ho-
mines permouentur ad crimina effugienda. Idem in-
diciū videtur ferendum de mulieribus clarissimis,
de quibus quandoque traditur Hiſtoria; nam, cum
mulieres natura ſint ſatis infirmæ, ac imbecilles, pro-
ptereaque ad nullum egregium factum proſequen-
dum propenſę eſſe videntur; ſi quędam dabuntur,
quę vel nobilitatis genere, vel ingenti acumine, vel
animi magnitudiue, vel ſapientię decore, vel pieta-
tis ſtudio, vel Populorum regimine, vel Regnorum
adeptione, uel bellorū expeditione, uel victoriis, &
huiusmodi clare fuerūt, ſunt et maxime accōmodatę
ad animos lęctorum cōmonēdos, excitādos, inflāmā-
doſq; ad virtutū ſtudia, ad reliquas mulieres etiam
alliciendas, dēducendoſque ad honeſtę, tempera-
te, et ſtudioſe viuendū, quę etiā, ſi magnę fuerint
Regi-

Reginæ, quæ intemperantia, flagitiisque indignis suum dedecorarunt honorem; propter infamiæ dedecus sunt etiam incitamento cæteris mulieribus ad propriam vitandam infamiam. Bella verò per Historiam describuntur; quoniam origines mutationum Imperiorum, publicæ calamitates, publica damna, graues consultationes, consilia prudenter capta, populorum concitationes, periculorum fuga, præliorum conflictio, magnorum Ducum fortitudo, Ciuium generositas, mulierum pietas, senum prudentia, Iuuenum labor, & varii Principum euentus describuntur, quibus homines maximè commouentur, & admonentur ad amorem in Patriam, ad religionem defendendam, ad viriliter pugnandum, & ad se liberandum ab imminentibus periculis; quare, cum in bello contingant admirabiliora, & frequentiora virtutis facta, & maximæ rerum mutationes: fit etiā, vt maximum sit Historiæ argumentum: De Imperiis tandem, atque de Rebus publicis, cur Historia fiat, ex eo manifestum esse potest, quòd publica Regimina, cum fuerint optima, & à sapientissimis viris constituta, & sanctis munita legibus: maxime ad humanam felicitatem conducunt: ipsorum memoria nobis est grata, vt quæ maxime utilis; quod si mala fuerint, & causæ extiterint, vt Respublicæ ruerent, & affligerentur in vltimum excidium: monemur etiam, vt optimas sequamur leges, iusta habeamus regimina, vt vitemus populorum tumultum, & conspirationes, quæ sæpius peruerterunt Regna, & Imperia. Quare potest esse clarum ex his, cur de Principibus, & uiris illustribus, de mulieribus claris,

ris, de rebus militaribus, de Imperiis, deque Rebus publicis Historia scribatur.

Historias scripturus quibus animi affectionibus, & artibus præditus esse debeat.

Cap. III.

M*Vnus scribendi Historias, cum valde sit laboriosum, & in sui perfectione multa requirantur; non mirum videri debet exposulare graua, magnaque in Historiographo; quæ enim præclara sunt, ad sui constitutionem summa admittunt omnia, & perfecta volunt omnia. At verò, si diligentius res ipsa expendatur, videbimus multo plura in obeundo tanto munere requiri, quam à nobis explicabuntur; sed iam rem ipsam aggrediamur.*

Primum Historiæ scriptor maxime in re grammatica debet esse uersatus, in quocunque idiomate, in quo sit scripturus; ut eius singulos canones sæpius, & diligenter euoluens, vocum originem, vim, notionemque penitus intelligat; bonorum auctorum lectionem assidue sibi paratam habeat, in quibus agnouerit, quid pure, quid nitide, quid eleganter, quid splendide, quid grauiter dictum sit; & ita omnibus his debet esse eruditus, ut ad omnem orationem sit copiosus, purus, & discretus; quod licet intueri in his, qui palmam tulerunt in Historiis conscribendis: ut, Liuius, Tacitus, Appianus, Iouius, & alii.

Secundo, ut Rhetorices præcepta optime imbiberit: ut omne genus orationis calleat, ut grauia grauiter,

ter, humilia humiliter, attenuata attenuate, & magna neruose tractare possit: ut praterea sententiosa dicta, rerum consultationes, Legatorum orationes, Principum responsa, Ducum cohortationes ad milites, animorum affectiones, concitatos animos, odia asperrima, miserandas strages, percicula maiora imminencia, & alia multa pro personarum dignitate ornate adscribere, splendide tractare, & decorare effingere: ut tandem ordinem rerum in narrando, in confirmando, in confutando, in exordiando, in finiendoque optime ex arte seruare possit, & certe, si quis attente Historias probatorum auctorum lectitarit, videbit eos plurimum eloquentia floruisse, hocque dicendi ornamento sibi magnam laudem comparasse, lectores in legendo summa animi oblectatione detinuisse, & omnia, quæ difficillima sunt ad exprimendum, declarandumque, ut, animi affectiones, bellicorum concitationes, locorum descriptiones, exercituum castramentationes, clades, delamentationes, tempora pacis, bellicque: ita eleganti oratione persecutos esse, ut ea ante oculos, veluti presentia compingerint: lege Suetonium, expende Liuium, cole Polybium, & spectata diligenter alios, qui Historiæ laude floruerunt, & admirabilem Historiæ ordinem, dicendi genus luculentum, purum, ornatum, vehemens, lacertosum, neruosum, sententiosum, iucundumque omnibus notis intueberis.

Tertio, ut Philosophiæ studium naturalis summis laboribus excoluerit: secus enim quomodo cum ingenii laude, atque doctrinæ commendatione Historiam conscribere possit, non satis uideo: qui quæso
corpo-

corporis affectiones, animorum facultates, gentium propensiones, potentiarum vires, odij, amoris, doloris, oblectationis, spei, timoris, audacia, aliarumque animi perturbationum vim, facultatemque elementorum, locorum, plantarum, stirpium, herbarum, & aliorum virtutem, temporumque vicissitudinem, & ceterorum, quæ ex natura constant, oratione prosequi poterit, de quibus non raro contingit in Historia, ut sermo suscipiatur? quomodo cognoscere poterit omnia principium, medium, finemque habere, omnia constare ex elementis, omnia tandem corrumpi, resoluique in sua principia, omnia constare ex materia, & forma, omnia ad certum finem dirigi, omnia finita esse, omnia posita esse in certo pondere, numero, & mensura, omnia subiacere tempori, omnia varie mutari, misceri, & transmutari, omnia inferiora cælestibus subijci dominationibus, & omnia inferiora a secundis causis pendere, & infirmiora a potentioribus gubernari, & alia innumera, quæ in Philosophiæ vestibulo discuntur: at verò nemo dicat Historicum prosequi gesta, humanaque facta; proptereaque ad eum non pertinere de rebus naturalibus; quoniam homo est res naturalis, mouetur causa naturali, animi affectionibus, quæ sunt naturales, in actionem fertur; agit in tempore, quod est ens naturale: præstat opera sua in loco, qui est res naturalis; dirigit suum opus ad finem, qui habet rationem boni, quod est ens naturale; utitur potentijs, cum corporis, tumque animi facultatibus ad gesta, factaque perficienda, quæ sunt res naturales; utitur quibusdam auxilijs, quæ sunt veluti media ad

D opus

opus perficiendum, quæ sunt res naturales; pendet tandem à secundis causis etiam in operando, quæ sunt entia naturalia; quare, licet opera, ut sunt digna laude, vel vituperatione, non pendeant omnino a natura; secus enim laus, & vituperatio esset in natura, quod maxime a vero abhorret; sed, ut pendent a voluntate bene, vel male affecta, laudem, vel vituperationem promerentur; tamen & natura præstat vires ad opus, dat initium, dat ingenium, dat facultates, dat organa; & alia, quæ sunt entia naturalia; ut, locum, ut, tempus, ut supradictum est; quare Historicus non omnino suum poterit præstare munus, si Philosophiæ studio fuerit destitutus; hinc factum est, ut, qui Historici hoc doctrinæ specimine fuerunt clariores, grauiiores suas reddiderint Historias, maioriq; in prætio habiti sint.

Quarto, ut in eo adhuc Philosophiæ studio, quod actiuosum est, & Philosophia moralis vocari solet, sese exercuerit; ut sciat, quid sit vnaquæque uirtus, quid prudentia, fortitudo, temperantia, iustitia, munificencia, liberalitas, magnanimitas, constantia, patientia, mansuetudo, clementia, fidelitas, urbanitas, affabilitas, generositas, pietas, religio, & aliæ; quid earum uires, obiecta, actus, media, fines, commoda, oblectationes, et huiusmodi, quid earum opposita vitia, imprudentia, intemperantia, iniustitia, segnitie, auaritia, immanitas, impatientia, falsitas, infidelitas, scurrilitas, inclementia, feritas, impietas, irreligio, luxuria, & alia multa; hinc eorum damna, detrimenta, malaque; præterea, ut optimè calleat cuiuscunque ætatis mores, adolescētum, iuuenem, virorum,

rorum, senum, nobilium, plebeiorum, potentium, principum, puellarum, seminarum, mulierum, matronarum, vxorum, coniugumque affectiones, atque proprietates; optime teneat præterea, quæ sint munera filiorum, quæ parentum, quæ dominorum, quæ seniorum, quæ subditorum, quæ Principum, quæ Regum, quæ Ducum, quæ Rerum publicarum, quæ militum, quæ Ciuium, quæ iudicum, quæ magistratuum, & quæ aliorum; vt nihil eum fugiat, quod pertinere possit ad res politicas, ad populorum Regimina, ad leges, ad consultationes, ad iura vtriusque temporis & pacis, & belli; vt tandem sciat, quid cum laude fuerit susceptum, quid contra; vt contexendo suam Historiam, suis locis generosa facta commendet, & degeneres animos vituperet, damnetque; quare omnino erit necessarium, vt in huiusmodi Philosophiæ parte plurimum temporis posuerit.

Quinto, vt Cosmographiam, Geographiam, Topographiam, Hydrographiam, & Cronologiam optime intelligat, vt videlicet descriptionem corporum celestium, regiones elementorum, descriptiones terræ, Zonas eiusdem frigidas, temperatas, atque torridas, partes Mundi, Prouincias, climata, locorum interualla, maria, fluminaque, Insulas, peninsulas, portus, promontoria, montes insigniores, scopulos, & cum omnium locorum descriptiones, tum illius Prouinciæ, de qua sermo fiat in Historia; sciat temporum vicissitudines, stellarum vim, influentiarumque uirtutem, portentorum signa, prodigiorumque aspectum, vt præcognoscat cuncta Diuina prouidentia gubernari, atque regi; hanc verò facultatem ita

necessariam esse duco Historiographo, vt, si ea fuerit priuatus, veluti cecus per terrarum orbem oberrabit.

Sexto, vt orbem terrarum peragrauerit, multa viderit, multa notauerit, gentium mores, instituta, leges, rationes, causas, metropolitanas ciuitates, sedes Regales, emporia vniuersalia, publicas nundinas, iura bellorum, iura pacis, praesidia diuersa, varia armorum genera, varias castrametationes, varia aedificia, varios ritus, varias caeremonias, variam religionem, varium uictum, varia indumenta, & alia, quae maxime iuuant pro rerum opportunitate ad Historiam conscribendam; quae si uiderit, & inspexerit, & si non omnia loca, saltem praecipua circue-rit, ei maximo commodo, ornamentoq; illa erunt ad antiquitatem intelligendam, & ad noua aperienda; secus enim nobilissima parte, quae in Historico desiderabitur; fuerit destitutus.

Septimo, vt sit homo bene morigeratus, optimè institutus, bene compositus, probus, optimus, religionis amator, & omnium uirtutum cultor; non enim facile fieri poterit, vt quis ceterorum errata damnet, vitiaque vituperet, ac impia excretur, si eadè uitiorum labe, improbitatis, scelerum, & irreligionis macula fuerit contaminatus, & notatus; vt preteream fidem eius Historiae non parum infirmari, dilacerari, atque abrogari; nam non facile adduci possumus, ut ad eum, ueluti ad ueritatis oraculum in rebus incertis confugiamus, si uitiis immersum fuisse agnouerimus; probus sit igitur Historicus; ut improbitatis nota suam corroboret Historiam.

Octauo,

Octauo, ut per diuersa loca suos habeat paratos observatores, qui diligenter, fideliterque, quæ fuerint gesta cum tempore pacis, tum belli, tum apud Populum, tumque apud Principes, transcribant, et transmittant ad eum, qui apud se, ueluti in arario ueritatis, omnia conseruabit, & suo tempore limabit, expoliet, & suis aptabit locis, sedibusque; non enim bene sentit ille, qui in scribendis Regum, Principum, Ducum, Rerumque publicarum gestis auram tantum popularem sequitur, quasi facta fortunæ, & casus notans, & describens; nam iste nomine ipsius Historiæ ignarus esse clare apparet; Historicus enim à nomine Græco nomen suum habet, quod latine reddi potest uidens, quasi, quæ ipse scripserit, propriis oculis uiderit, & notarit, ut fides magis firmetur sibi.

Nono, ut posthabitas habeat singulas animi perturbationes, dum aggreditur hominum facta scribenda, non spe lucri, non pollicitationibus, non largitionibus, non odio, non ira, non uindicta, & non alia quauis animi caligine; sed, ut bono publico consulatur, lectores ad uirtutem inflammentur, & a uitijs arceantur; ut uirtus commendetur, consigneturque monumentis, immortalitati que, & uitia iustissime à Diuina ira punita in exemplum apponantur ad uitanda crimina.

Decimo tandem, ut potentum animos, Principumque beneuolentiam familiariter sibi conciliet, ut facile ad eos habeat aditus; ut hinc facile rerum gestarum ueritatem sibi haurire possit; raro enim accidit, ut uulgo iactentur, quæ sunt magnorum Prin-

cipum consilia, fœdera, conspirationes, & alia, quæ
 nobis sternere uiam ad rerum ueritatem aperiendâ
 possunt; nec tamen ita uolumus magnos reges se-
 ctari, & in eorum consuetudinem irrepere, ut in cõ-
 scribendis ipsorum gestis amoris ergò a ueritatis
 studio recedat; propterea optimè consulitur, ut Hi-
 storicus non sit omnino intimus, & familiaris Prin-
 cipibus, nec omnino ab eorum consuetudine alienus;
 ut etiam conducet non esse plebeium, & obscuro ge-
 nere ortum, nec etiam omnino primarium in Ciui-
 tate, & principem, nec etiam fortunæ bonis ita spo-
 liatum, ut aliorum opibus indigeat; si enim fuerit
 uir plebeius, uel nugatoria narrabit, uel Historici
 munera cum dignitate sustinere non poterit; si uerò
 Ciuitatis Princeps fuerit, aut primarius, aut omni-
 no aulicus, ut magnatibus arrideat, assentetur
 non raro a ueritate procul aberit; si pauperrima
 fuerit fortuna, eius fides in suspicionem ueniet; quã-
 doquidem auri uis sæpe facit falsa canere, & impia
 facta celari; quare Historicus uirtutem ducem, &
 comitem fortunam in bonis habere debet; Clarissi-
 mum sane hisce omnibus notis, quas antea in Hi-
 storico annumerauimus, de Paulo Iouio potest esse ex-
 plum; qui optimo ingenio à natura à teneris usque
 annis bonas coluit artes, quasunque doctrinarum
 facultates summis laboribus, & uigiis sibi compa-
 rauit; grauissimum dicendi genus ex probatissimis
 auctoribus, tum Græcis, tumque latinis familiare
 habuit; quicquid in uiris disertissimis, eloquentissi-
 misq; ex omni antiquitate præclarum, magnificūq;
 inter legendum animaduertit, sibi proponendū, imi-
 tandum-

tandumq; putavit: eloquētia ita floruit, ut etiā eius
 emuli, invidique ei non grauate cederent: Cosmogra-
 phiam non solum peritissime sciuit, sed etiam eiusdē
 opus in studiosorum commodū summo labore cōpo-
 nere fuit aggressus, q̄ integrū ad nos peruenisset, ni
 si immatura morte fuisset praeoccupatus; in reliquis
 vero disciplinis non solum sapientissimū de illis habe-
 ret iudiciū, & de difficillimis rebus dijudicare pos-
 set; sed etiam earundem cultores, professoresque
 vnicē adamarit, tutatusque sit propriis opibus;
 quin potius viris litteratis, magnisque Ducibus, for-
 tissimisque viris ita fauit, vt ipsis mortuis eorun-
 dem effigies, imagines, simulacraque ex omni anti-
 quitate ingentibus expensis in suum Musēum translu-
 lerit, accommodaritque; Principum familiarita-
 tem, beneuolentiamque morum integritate, doctri-
 na, sapientiaque laude ita sibi parauit, vt suo tempo-
 re illis fuerit carissimus; veritatis studium cū sum-
 ma prudentia ita coniunxit, vt, quæ ad virtutem spe-
 Etarent, magnificentissimis extolleret laudibus; vt
 bonos ad virtutis studium alliceret: quæ vero vitu-
 peranda, nec omnino taceret, nec omnino propalaret;
 vt, qui homines ad malum sint propensiores; in ui-
 tis describendis virorum Illustrum Plutarchum si-
 bi proposuit imitandum, quem in multis æquauit, &
 in multis palmæ dubium reliquit; duo Historiarum
 conseripsit volumina, ita omni genere doctriņæ refer-
 ta, & ornate explicata; vt breui tempore omnibus
 Europæ linguis translata, omnibus populis, & genti-
 bus grata, iucundaque innotuerint; in quibus dicen-
 di genus sententiosum commiscuit, sapienter dicta no-

tauit, prudenter, & fortiter gesta commendauit, impia facta vituperauit, loca, tempora, causasque assignauit, pulcherrimas rerum descriptiones apposuit, bellorum occasiones, conspirationes, tumultus, exercitus, praesidia, conatus, castramentationes, praelia, clades, & reliqua ita graphice depinxit, ut videatur omnia, et singula ob oculos lectorum posuisse; merito igitur, cum medicus esset, Historiae laude clarus apud omnes nationes merito suo fuit; & uel mortuus in tumulo his versibus summa eius ingenij laude fuit commendatus.

Heu iacet hic Iouius Romanae gloriae linguae;
Par cui non Crispus, non Patauinus erat.

De praecipis ad egregia facta transferenda
in Historiam.

Cap. IV.

Cum Historia, quae suscipitur scribenda, versetur vel in actione una, vel in multiplici, vel in dictis Principum, mulierum, & virorum illustrium, & reliquorum, vel in aliqua Prouincia; vel Regno, aut tandem in totius orbis terrarum vniuersali comprehensione, operae pretium erit post tradita praecipita de Historico instituendo aperire, quae ratione se se gerere debeat, in prosequendis rebus gestis, quae per se ipsum monumentis sint mandandae, & memoriae prodandae; & primum quidem de una actione describenda verba faciemus, quae etiam aptari poterunt Historiae, quae multas, & diuersi generis prosequatur

tur actiones; reliqua verò inferius distincte tractabimus.

Cum igitur actionem circumstant, multa, vel ut necessaria, vel, ut antecedentia, vel, ut concomitantia, vel, ut consequentia, vel, ut adiuuantia, vel, ut perficientia, vel, ut quoquo modo aliter ad ipsam spectantia; nec omnia sibi proponat Historiographus, est opus, ut actionis initium progressum, & finem optimum prosequatur, ne, veluti monstrum mutilam reddat suam Historiam; propterea animaduertat in actione considerari, agens, quod opus molitur, cum eoque veniunt considerata instrumenta, auxilia, fautores, adiutores, auxiliatores, consultores, & alij; præterea ex parte agentis consideratur, quæ causa ipsum ad agendum huiusmodi opus impulerit; quæ multiplex esse potest, vel necessitas, vel impulsus, vel propria voluntas, vel ambitus, vel emulatio, vel amor, vel odium, vel ira, vel habitus bonus, vel malus, vel intemperantia, vel auaritia, & huiusmodi: deinde consideratur tempus, sub quo actio paratur, & peragitur; quod potest esse multum, diuturnum, vel breue; vel complectens multos annos, multos menses, & huiusmodi, in quo circumstantiæ multæ veniunt expendendæ, ut, quo seculo, qua ætate, quo rerum statu, qua opportunitate, vel tempore belli, vel pacis, vel noctis, vel diei, vel calamitosi, vel optime annonæ, vel summa rerum penuria, vel uere, vel æstate, vel autumno, vel Hyeme, & huiusmodi. Deinceps in eadem actione, spectandus est locus, in quo suscepta sit actio; & ad hanc circumstantiam consideranda sunt multa, ut, in qua Prouincia, vel in Asia, vel

in Aphrica, uel in Europa, uel in Germania, uel in Hispania, uel in Italia, uel in Piceno, uel in Macedonia, uel in Phrygia, uel in Prusia, uel in Pamphilia, uel in Caria, & in aliis; item uel in planitie, uel in Valle, uel in loco montano, uel in montium angustiis, uel in mare, uel in flumine, uel in terra, uel in Ciuitate, uel in Metropoli, uel in Regno, uel in Oriente, uel in Occidente, uel in Meridie, uel in Septentrione, & huiusmodi: ponderatur etiam materia, in quā ipsa actio dirigitur, & potest esse uel turris, uel pagus, uel Oppidum, uel Ciuitas, uel Regnum, uel Aerarium, & eiusmodi, quę in actionem magnorū Principum, Ducumque cadere solent: modus etiam spectatur, quo uel prudenter, uel animosè, uel impudenter, uel timide, uel fortiter, uel temperate, uel iuste, uel inique, uel religiose, uel impie, uel humaniter, uel crudeliter, uel uigilanter, uel oscitanter, uel liberaliter, uel auare, uel ambitiose, uel humiliter, uel fideliter, uel dolose, uel praeceps, uel cunctanter, uel tempestiue, uel intempestiue, uel docte, uel ignare, uel solerter, uel remisse, uel neruose, uel infirme, uel constanter, uel desperate, uel bene, uel male tandem actio fuerit facta. Finis tandem expendi solet, quo uidelicet consilio, quò spectaret agens, ad occupandum uidelicet alterius Regnum, uel tyrānidem exercendam, uel ad explendam animi libidinem, uel ad comprimendam insolentum audaciam, uel ad depri-mendam Barbarorum insolentiam, uel ad Patriam, uel ad augendum Imperium, uel tandem ad conseruandam religionem, & huiusmodi; Quare Historiographus in actione describenda uiderit diligenter, qui

qui fuerit agens primarius, cuius auxiliores, quæ media, quæ necessitas, quæ origo, quæ causa, quæ materia, qui modus, qui finis, qui locus, quod tempus, & huiusmodi, quibus consideratis, suo loco, & tempore sapienter dicta, prudenterque excogitata notet, virtutum facta magnificentissimis laudibus extollat; vitiorum nefanda quæque prudenter vituperet: personarum, locorum, & aliarum rerum opportunas deligat descriptiones, dicendi genus obseruet purum, & pro rerum qualitate uehemens, & neruosum, & tenue, & remissum seruet, sententias graues, acutasque pro opportunitate misceat: certa pro certis, dubia pro dubiis, & uaria pro uariis afferat, causas rerum, consilia, origines, progressus, et euentum adaperiat, insistat veritati, assentationemque fugiat.

De Historiæ præceptis, quæ in virorum illustrium vitis describendis versatur.

Cap. V.

QUI virorum illustrium, mulierumque clarissimarum vitas scribendas suscipiunt, præclarissimum Plutarchi exemplum sibi proponere deberent imitandum; qui eos tantum viros sua uoluit esse commendatos Historia, qui uel fortitudinis laude, uel doctrinæ encomiis, uel ingenii celebritate, uel Imperii amplitudine, uel animi generositate, uel aliqua alia re præclara gesta, editaque in Patriæ, religionisque commodum suo tempore clauerunt;

ruerunt; nec enim de obscuris ingeniis, deque uiris omni animi ornamento abiectis, atque destitutis sermonem institui Historicum decet, qui bonorum exemplo, malorumque pœna prodesse uult humanae societati. Quod si uerò contingat aliquando, ut de facinoribus malis inter scribendum Historicus loqui cogatur: non tamen mala proponit scelera, ut commendet, sed, ut uituperet, doceatque ex iusto Dei iudicio pœna irrogata esse uitanda, & non imitanda. Ut uero iam pauca dicamus de conscribenda uirorum illustrium Historia: cum a summit alicuius uiri illustris uitam exprimendam, consignandamque litteris, totum eius uitæ curriculum, ueluti in Epitomæ redactum, sibi proponat ante oculos, est necesse: in quo intuebitur, quid laude dignum, quid commendandum, quid præclare gestum, & quid summo opere sit dignum Historia: in quo etiam tria potissimum spectabit, quædam ante ortam, quædam in ortu, quædam post ortum, quædã in obitu, & quædam post obitum: ante ortum quæ eum præcesserunt, uel signa, uel prodigia: necnon maiores, & parentes, qui cum genuerunt, nobilitatis genus, maiorum decus, fortitudo, amplitudo, generositas, munera, dignitates, memoria, spectata uita, & huiusmodi: in ortu Patria, hinc eius nobilitas, antiquitas, & Imperium: item priuata, communisque lætitia, concepta spes de futuris commodis, & huiusmodi: post ortum optima indoles, ingenii acumen, optima sensus exercitatio, bona corporis habitudo, iucundus aspectus, integra forma, optima educatio, disciplina: studium, præceptores clari, mira in retinendo memoria,

*memoria, mirus in percipiendo intellectus, elegans ingenium ad omnes bonas artes, virtutum acquisitio, disciplinarum progressus, iuventutis labores, summa honorum cupiditas, vehemens in Patriam amor, grauis in conseruando honore vigilia, certa in Deū religio, prudens amicitia studium, honores in etate virili sibi ex virtute parati, munera, quibus castè, & integerrimè fuerit perfunctus; quæ viriliter, quæ magnificè, quæ fortiter, quæ toleranter, quæ animosè, quæ temperatè, quæ iustè, quæ magnanimè, quæque sapienter, atque religiosè in sua acta vitale gerit; quæ virtutis exempla posteritati reliquerit, prolem quomodo instituendam diligentissime curauerit, quæ patrimonia reliquerit, & huiusmodi spectantur; ante obitum, quæ patienter sustinuerit, quæ signa religionis demonstrarit, quam animosè mortè sit complexus, quamque religiose animam fuderit: post obitum, quæ mæstitiæ signa, quæ prodigia, quæ portenta, quam vniuersalis luctus, quæ lachrymarum vis, quo dolore Populus perculsus, quæ encomia decantata, quæ Epitaphia descripta, quæ statuæ erectæ, quæ sepulchra constructa, quæ monumenta magnificentissimo apparatu signata, quæ funera cultu Regio edita, & alia multa, quæ ad laudem viro-
rum illustrium obseruari solent à uiris doctissimis; ut eorum uirtus digne sit prodita monumentis; in quibus prosequendis Historicus ornatiora proponet commendanda, ut magis uirtutis exempla lectorum animos ad bona studia inflamment; corporis descriptionem (si fieri poterit) habebit, dicta sapienter extollet, facta egregia circumstantijs suis collustra-
bit,*

bit, in utraque fortuna prudentiam aperiet, & omnia diligenter expendet, qua maximè ad generosorum hominum gloriam conducere possunt; exempla cæterorum uirorum quandoque admiscebit, eorundem inter se collationem habebit, similitudinibus, contrariorumque conglobatione suam decorabit Historiam, ut iucundior lectoribus sit, tum ex rebus ipsis, tum ex uarietate, tum ex sententijs, tum ex genere dicendi, tumque ex ordine: quæ omnia non erunt difficillima, si doctissimorum uirorum, qui in huiusmodi genere fuerint uersati, exempla potiora deliget imitanda.

De Historiæ vniuersalis præceptis.

Cap. VI.

CUm antea præcepta Historiæ, quæ vel in particulari actione, vel in multiplici, vel in uirorum illustrium uitis uersatur, breui oratione explicauerimus: consequens est, ut uniuersalis Historiæ, quæ omnium difficillima est, præcepta, & canones ad optime cōscribendam oratione nostra prosequamur. Vniuersalis uerò Historia ea dicitur, quæ uel alicuius Ciuitatis, uel alicuius Regni, uel alicuius Prouinciæ, uel totius orbis terrarum potiora gesta explicat: multa enim sunt, quæ unaquaque harum Historiarum comprehendit: ideoque uniuersalis dici potest: Verum, ut rem ipsam aggrediamur: dicimus primum eum, qui huiusmodi opus tractandum suscipit, magnum sanè moliri argumentum, difficillimum.

limumque aggredi factum : quod quidem planū fiet his, qui aliquo rerum usu in rebus humanis ducantur : si namque veritatem sapius rerum difficillimam habent vicini ad vicinos, proximi ad proximos, accole cum habitatoribus, et Oppidani cum Oppidanis : quid censebimus, quæso euenturum illis, qui ex longissima rerum serie, ex vetustissima antiquorum memoria, ex priscis seculorum monumētis, imo ex tenebris, ambagibusque mille demersis, ex interruptis seculis, ex interpolatis memorijs, ex diuersis auctorum opinionibus, & ex laceratis Imperijs veritatem rerum ceteris proponere, & compilare attentant? nec propterea volumus homines studiosos à tam præclaro studio deterreri, remoueri; quin potius illis maiorem paramus laudem, si hoc inscriptionis genere ita elaborauerint, ut, quod difficillimum sit, elegantissime effinxerint, & summa ingenij laude cum corporis laboribus ad perfectionem adduxerint. Non defuerunt viri grauissimi, sapientissimi, disertissimique, qui æternam, immortalemque ex hoc studio sibi, posterisq; suis pepererunt gloriam: testantur Appiani, Taciti, Liuij, Dionis, Diodori, & alij innumeri: quare, ut de re difficillima facilia, (quoad fieri poterit) aperiemus præcepta; dicimus.)

Primum vniuersalem Historiam scripturus, tã profanam, quam Ecclesiasticam, vel alicuius Regni, vel Ciuitatis, vel totius Orbis ad sua tempora usque : animaduertat, & animo concipiat omnia originem aliquam habuisse, medium, augmentum, declinationem, mutationem, certum tempus, certum locum,

cum, certum Situm, & certum finem: proptereaque est illi opus, ut omnium rerum, quæ ad suam institutionem referri possunt, certam congeriem, & quãdam communem Syluã ante oculos habeat, ex qua, veluti ex Thesaurò omnium rerum ditissimo, omnia rerum argumenta ad scribendum depromat, & certis sedibus disponat, atque locet.

Secundo, ut Chronicon omnium temporum, in quibus res euenerint, vel ortæ sint, vel gestæ, vel excogitatæ, vel egregiè factæ, vel male commissæ tandem sint; ad certum computum sibi proponat, ut, quæ prius fuerint gestæ, & quæ posterius peracta, seruata temporum serie litteris mandentur.

Tertiò, ut sciat id operis posse iuuari ex certa nationum origine, populorum propagatione, ex principiis Monarchiarum, ex temporibus ante lacerata Imperia, in Oriente, Occidenteque, ex Mundi ætatibus, ex tempore legis naturæ, legis scriptæ, legisque gratiæ, ex prophetarum tempore, Patriarcharumque, ante Christi aduentum, & post eum ex certis Ciuitatum principiis, ex conditoribus, & ex longa rerum serie, variisque pro temporum gubernationibus ex certis Historiis longissimè repetitis.

Quartò, ut rerum veritatem, ordinemque certo teneat, nullo alio modo sibi cõparari posse, nisi ex Historijs alias vel manu scriptis, vel mandatis typis, vel ex antiquis lapidib. et monumentis, vel ex alijs antiquitatis fragmētis, quibus aliqua veritatis lux nobis in rerũ caligine uersantibus oriri pōt; quare omnem ferme antiquitatẽ summis quidẽ laboribus atque vigiliis vertere, atque inuertere, erit opus.

Quin-

Quinto, ut non omnibus humana Historia scriptoribus sibi credendum esse arbitretur, sed ipsorum habendum esse delectum; ut videlicet potius illi deligantur, qui de rebus scripserunt, quibus interfuerunt, quam illi, qui longissime absuerunt; secundo, ut illi potius eligantur, qui non exteri, sed patriti, & conterranei fuerunt; ipsi enim, veluti praesentes, & patriarum mores, & instituta, & leges, & facta, & occasiones, & mutationes, & rerum vicissitudines, & varia Imperia, & varios exitus rerum, & omnia propriorum Principum dicta, facta, gesta, & ad rerum veritatem facilius inuestigare, & intelligere potuerunt: Tertio, ut doctiores, eloquentiores, & studiosiores in studio veritatis potius proponantur, quam secus animi dotibus affecti; verisimile enim videtur esse homines, qui summa ingenij, doctrinaeque laude, ac morum integritate conspicui fuerunt, summam adhibuisse diligentiam, omnique conatu conasse, ut vera, probabiliora, & in suas conferrent Historias; Quare etiam mos est apud eos certissimus, ut non solum factorum, sed etiam occasionum, atque consiliorum causas, atque rationes afferant, quibus homines commoti ea praestiterint: Quarto, ut ex illis continuata fiat Historia; multi enim fecerunt Historias rerum usque ad sua tempora; proptereaque post ea tempora qui scripserint, sunt consulendi; ut tota, & completa fiat Historia usque ad praesentia tempora.

Sexto, ut tandem animaduertat Scriptores, qui vel de Patriae propriis, vel de suis principibus Historiam contexerunt, saepius, ut Patrios ritus, vetustissi-

tutissimamque rerum originem, & antiquitatis nobilitatem, & suorum Principum præstantiam, dignitatem, fortitudinem, atque animi celsitudinem summis laudibus extolleret; (quisque enim propria commendare affectat) multa miscere solere, quæ vel minus probabilia, vel minus credibilia, vel minus vera, vel certe dubia esse possunt; quare opus valde laboriosum esse videtur ad veritatem hauriendam ex huiusmodi Historijs; quare nec omnino credimus omnes scriptores Patrios falsa narrasse, quæ præcipuè potiora sint facta, quæ orbi terrarum innotuerunt; sed potius illis aliqua ex parte condonandum, si quid dixerint magnificentius ad Patriam colustrandam, atque ad proprios Principes laudibus decorandos; quæ enim sunt Patriæ laudes, sunt & Ciuium; & quæ Principum sunt & Subiectorum. Verum, ut id mali reparetur, ut in grauioribus rebus veritas nobis emergat; erit videndum, si quis propinquus; & ex aduersaria parte scripserit; sic enim videbimus, sint ne errata in essentialibus, ut aiunt Philosophi, aut in his, quæ extrinsecus accidunt.

Septimo, ut Regimina populorum, quæ sibi fuerunt succedentia proprio ordine prosequatur, & qui Imperatores suo quoque tempore, & qui orti Principes, & qui mortui, & quæ bella excitata, quando suscepta, quando extincta, quando renouata, quando noua Imperia, quando admiranda, quando monstra, quando prodigia, quando portenta, quando admiranda facta, quando tyrannides exorte, quando obruncata, quando tumultuationes in orbe, quando se-

do sedatæ, quando lacerata Imperia, quando insignia terrestria enarrando, maritima admiranda, quando ingenia celeberrima floruerunt, quando mulieres clarissimæ extiterunt, quando bonæ artes fuerunt inuentæ, quando à gloria sua defloruerunt, quādo nouę res ex humana industria ad nos deuenierunt, quando Ciuitates insigniores fuerunt conditæ, quando propria excidia sunt perpeßæ, quando vastatæ, & dirutæ fuerunt, quando barbaræ gentes Regna inuaserunt, quando Tyranni Imperia occupauere, quando à propria sede deturbati, quando eiecti, quando occisi, & quando ex omni memoria deleti, quando Respublicæ vixerunt, quæ principia, quæ instituta, quam Imperij amplitudinem habuerunt, quæ bella susceperunt, quas victorias reportarunt, & quando defecerunt, & alia innumera de Ducibus, de Regibus, de Principibus, de bellis, de Provincijs, de gentium, Populorumque institutis, & moribus; seruata tamen semper temporum serie, & locorum distinctione, & certo rerum ordine fidelissime, & caste in sua vniuersali Historia, vel Regni, vel Ciuitatis signabit.

Octauo, vt, dum Historiam alicuius Ciuitatis tractandam aggreditur, expendat diligenter eius principia, causas, conditores, politię genus, Imperij progressum, eiusdem mutationes, Populi mores, maiorum instituta, leges, situm, aeris temperiem, aquarum allusiones, flumina præterlabentia, locorum interualla, agrorum fertilitatem, aquarum bonitatem, præsidia, commeatus, militum numerum, genera armorum, animorum amplitudinem, ingeniorum

tuſtiſſimamque rerum originem, & antiquitatis nobilitatem, & ſuorum Principum præſtantiam, dignitatem, fortitudinem, atque animi cæſtudinem ſummis laudibus extolleret; (quiſque enim propria commendare affectat) multa miſcere ſolere, quæ vel minus probabilia, vel minus credibilia, vel minus vera, vel certe dubia eſſe poſſunt; quare opus valde laborioſum eſſe videtur ad veritatem hauriendam ex huiusmodi Hiſtorijs; quare nec omnino credimus omnes ſcriptores Patrios falſa narraſſe, quæ præcipuè potiora ſint facta, quæ orbi terrarum innotuerunt; ſed potius illis aliqua ex parte condonandum, ſi quid dixerint magnificentius ad Patriam coluſtrandam, atque ad proprios Principes laudibus decorandos; quæ enim ſunt Patriæ laudes, ſunt & Ciuium; & quæ Principum ſunt & Subiectorum. Verum, vt id mali reparetur, vt in grauioribus rebus veritas nobis emergat; erit videndum, ſi quis propinquus; & ex aduerſaria parte ſcripſerit; ſic enim videbimus, ſint ne errata in eſſentialibus, vt aiunt Philoſophi, aut in his, quæ extrinſecus accidunt.

Septimo, vt Regimina populorum, quæ ſibi fuerunt ſuccedentia proprio ordine proſequatur, & qui Imperatores ſuo quoque tempore, & qui orti Principes, & qui mortui, & quæ bella excitata, quando ſuſcepta, quando extineta, quando renouata, quando noua Imperia, quando admiranda, quando monſtra, quando prodigia, quando portenta, quando admiranda facta, quando tyrannides exorte, quando obtruncata, quando tumultuationes in orbe, quando ſe-

do sedatæ, quando lacerata Imperia, quando insignia terrestria enarrando, maritima admiranda, quando ingenia celeberrima floruerunt, quando mulieres clarissimæ extiterunt, quando bonæ artes fuerunt inuenta, quando à gloria sua defloruerunt, quādo nouę res ex humana industria ad nos deuenerunt, quando Ciuitates insigniores fuerunt conditæ, quando propria excidia sunt perpeffa, quando vastatæ, & dirutæ fuerunt, quando barbaræ gentes Regna inuasferunt, quando Tyranni Imperia occupauere, quando à propria sede deturbati, quando eiecti, quando occisi, & quando ex omni memoria deleti, quando Respublicæ viguerunt, quæ principia, quæ instituta, quam Imperij amplitudinem habuerunt, quæ bella susceperunt, quas victorias reportarunt, & quando defecerunt, & alia innumera de Ducibus, de Regibus, de Principibus, de bellis, de Provincijs, de gentium, Populorumque institutis, & moribus; seruata tamen semper temporum serie, & locorum distinctione, & certo rerum ordine fidelissime, & caste in sua vniuersali Historia, vel Regni, vel Ciuitatis signabit.

Octauo, vt, dum Historiam alicuius Ciuitatis tractandam aggreditur, expendat diligenter eius principia, causas, conditores, politię genus, Imperij progressum, eiusdem mutationes, Populi mores, maiorum instituta, leges, situm, aeris temperiem, aquarum allusiones, flumina praterlabentia, locorum interualla, agrorum fertilitatem, aquarum bonitatem, præsidia, commeatus, militum numerum, genera armorum, animorum amplitudinem, ingeniorum

industriam, annonæ vbertatem, priuatorum diuitias, Principum opulentiam, publica æraria, auri, argenti que pondus, publica vestigalia, quanta, & qua ratione augeri possint, armamentaria quam bene structa, ornataque, frumentaria, & alia permulta, quæ ad perfectam alicuius Ciuitatis originem, amplitudinem, dignitatem, atque munificentiam ostendendam iuuare possunt; videbis diligenter, fuerit ne condita ab incolis, an ab exteris gentibus; aliquo euentu ne, an data opera; à multis ne, an à paucis, an ab vno; à liberis ne, an à subiectis alterius dictio- nis; à certis ne conditoribus, an à dubiis, quæ instituta prius seruarint, sub quo Regiminis genere prius vixerint, quæ fuerint legum, Imperiique mutationes, quæ bella suscepta, quæ gesta, quæque confecta; & sic transeundo per temporum spatia, seculaque varias notabit rerum vicissitudines, varia Regimina ad suum usque tempus: quod Historiarum genus multi- eum laude de propria Patria susceperunt, atque expli- cuerunt. Et tandem ne plura dicamus de Historia con- scribenda: quodcumque Historiarum argumentum Historicus explicandum aggredietur: gesta iuxta personarum genus ad veritatem morate explanabit pro rerum euentis graues sententias miscebit, sa- pientum dicta interponet, dicta, prouerbiaque ad rem facientia inseret: in rebus grauioribus, cum acci- derint prodigia, portenta, et monstra notabit: magis in commendandis præclaris gestis, quam in propalanda vitij laborabit: fuerit nervosus in dicendo, pu- rus, varius, incundus, & pro rerum qualitate gra- uis: in exordiando vel ab incognito, vel ab aliqua
grauis

*gravi sententia, uel à contrariis, uel à simill, uel à
caussis, uel à spe, uel ab officio, uel à commodis, uel à
fine, & huiusmodi suam docet orationem, magnifi-
ce incedet, ad facti narrationem miro artificio de-
scendet, notabit tempus, locum, personam, instrumen-
ta, causas, media, finem, & singulas facti circunstan-
tias, personarum descriptiones scite compinget; ca-
pita sententiis grauib; & finiet, & incipiet, cor-
pus aptissimis dicendi modis conuestiet; membra
suis coloribus cum dignitate concinnabit, & omnia
orationis luminibus collustrabit; & opus confe-
ctum, arte elaboratum; omni ex parte expensum,
perpolitumque in studiosorum commodum edat in
lucem, ut eius opera, atque industria veritatis cu-
stos, quæ ipsa Historia est, non delitescat; sed è tene-
bris in lucem gentium emergat.*

F I N I S.

L A V S D E O O P T. M A X.

E T B E A T A E M A R I A E

semper Virgini;

✠ Et Dño Thomæ Aquinati. ✠



